

臺中市110年度語文競賽初賽閩南語朗讀國中學生組

編號 1 號

【幸福的滋味】 林秀子

阿母是一个專職的家庭主婦，逐工攞著洗衫、搵掃、攞三頓。除了厝內沓沓滴滴的工課，伊猶會踎厝邊的空地仔，種一寡仔家己欲食的菜，閣飼幾隻過年愛拜的雞。有閒的時閣會加減做一屑仔家庭代工，鬥相添厝裡的開銷。

我讀冊的時，學校猶無營養午餐。國小若是讀規工，毋管是落雨天抑是出大日，攞愛行路轉去厝裡食晝。國中和高中因為離厝較遠，我佻三个小弟六年貼貼貼攞紮便當。天未光、雞未啼，阿母就起床矣。炒菜的聲、飯菜的芳味就是阮上好的亂鐘仔。除了青菜以外，菜脯卵、煎白帶魚、滷肉，三不五時閣有肉卷、排骨，阿母親像變魔術全款，會用上少的所費，全款的食材變出真濟無全款的料理，做出上好食的便當菜。

舊年逐家轉去蘇澳慶祝阿爸生日，開講的時聽三个小弟講，才知影較早個紮的便當透底毋捌炊。大漢的佻第二小弟講個第三節下課就共便當粹了矣，無夠的部份就去合作社買麩來塌。第三小弟上心適，第一節就佻幾若个同學共便當解決掉矣。食晝的時早起有食伊便當的同學，就會分寡飯菜佇伊的便當篋仔內底。啥人的便當較有料、較好食，啥人的阿母較勢煮

食伊攞知影。伊閣講有一擺開同窗會，逐家講著這件代誌，有同學共伊講：

「逐家的便當攞是前一工暗頓就攞好矣，一定愛冰，第二工欲食若無炊絕對袂好勢，干焦你的便當是燒的。逐家攞當咧大，緊枵，有恁阿母燒燒的便當通好食，你一喙我一喙，毋但溫暖逐家的胃，嘛聯絡逐家的感情，實在予人足懷念的。」哎！干焦我人在福中不知福，因為逐工攞紮便當，所以心內誠欣羨會使紮錢去外口食麵的同學。一直到出外食頭路，三頓攞愛食外口，才知影阿母便當的好滋味。

這馬阮姊弟仔攞大漢嘛做人的爸母矣，閣較會曉體會阿母的用心佻付出。逐擺若聽著囡仔咧哼講學校的飯傷粒、菜歹食，食袂落的時，心內就感覺真歹勢，因為無法度予個感受著像較早阿母予阮的彼種幸福的滋味。

臺中市110年度語文競賽初賽閩南語朗讀國中學生組

編號 2 號

【恰阿媽去洗衫】 曾菁怡

會記得細漢的時，恰阿公阿媽蹠庄跤。彼段日子無啥囡仔伴，煞是我人生中上難忘的記持。恰阿媽去溪邊洗衫，是我每日歡喜的開始。

逐日透早，阿媽手面若洗好，就愛共昨昏厝內大大細細換落來的衫仔褲，囡仔兩個竹籃仔內，用扁擔擔去溪仔邊洗。這款有水通妥的齣頭，我哪會使綴無著？所以逐暗欲暝進前，我攏愛共阿媽交代一遍：「明仔早起愛叫我起床喔！」阿媽笑 bi-bi 共我的頭掌掌咧，親像有答應這個約束。

對阿媽蹠的低厝仔到溪邊，愛行一段田岸仔路。天貓霧仔光，草仔枝面頂的露水予日頭照甲金 sih-sih，像真珠全款遐爾嬌，用指頭仔承一滴來啖看覓，閣甘甜仔甘甜。田岸路細細條仔，阿媽行頭前，我綴後壁。伊愛戴瓜笠仔，穿真花的衫仔褲，有略仔曲病，嘛定定穿黃色的靴管，行路的時，尻川閣會扭咧扭咧。吊仔扁擔雙引幌來幌去的竹籃仔，袂輸配合阿媽咧跳舞，實在真趣味！

阿媽洗衫的彼條溪，溪水清清清，看會著魚仔仔水底泅，嘛有真濟石頭，田嬰無就颺颺飛，無就停仔石頭仔頂歇暝。阿媽共較長條閣扁身的石頭，提來做洗衫枋；恰尻川差不多大細的石頭，就提來做椅仔，感覺閣真

四序。大人無閒洗衫，囡仔就愛家己做議量。我的家私早就攢便便，有銅管仔、魚網仔恰清飯，阿媽逐擺擺笑我齣頭真濟。我共清飯先掖仔水邊，連鞭就看著一陣魚仔栽泅過來欲搶食，我就恬恬仔提魚網仔倚過去，等遐的魚仔栽泅仔魚網仔面頂時，就緊共個撈起來，囡仔我的銅管仔內。有當時耍甲無趣味，就會徙去較邊仔有草的所在，共草仔略仔掀起來，揣看有蝦仔覘仔遐無？蝦仔是倒退攄的，用清飯共蝦仔啗出來了後，魚網仔就愛恬恬仔徙去伊後壁，才掠會著。就按呢變東變西，時間一目瞞仔就過去囉！掠著的魚仔、蝦仔，我攏毋捌紮轉去，因為阿媽講愛共個放轉去，明仔載個才閣會陪我要，想想咧嘛真有道理！

臺中市110年度語文競賽初賽閩南語朗讀國中學生組

編號 3 號

【炕窯】 林義和

今年歇寒的時陣，阿爸個公司的同事，相招拜六欲去大肚山的望高寮
迤迤。約定九點集合，阮七早八早就起床。阿母去菜市仔攢阮兜分配愛紮
的物件。一家伙仔五个人，八點半就到約定的所在。

逐家攏真準時，猶未九點就攏齊到矣。遮是阿爸同事的田地，規片平
坦坦攏是番薯園。這個所在離成功嶺差不多一公里，佇大肚山的嶺頂台地。
向東，會當看著繁華的臺中市；向西會當看著臺灣海峽；向南會當看著八
卦山¹大佛。看會著的所在攏真闊，莫怪會號做「望高寮」。大肚山的塗是
紅仁塗，上蓋出名的土產，就是番薯俗塗豆。

聽阿爸的同事講，個遮的田，攏是用輪作的。一季種番薯，一季種塗
豆，另外一季種番麥。這季輪著種番薯，今仔日阮來遮，主要就是欲炕窯。
遮的番薯，全部攏是五十七號仔，白皮黃肉，瘦抽瘦抽，袂講蓋大條。

逐家到位了後，大約有十口灶，五十个人彼跤兜。大人比囡仔加兩三
个。田主分配工課予大人做：有人起塗窯、有人拈柴、有人掘番薯。囡仔
自由踎邊仔做助手，若無，嘛會當去空地仔耍。遮有幾座報廢的碉堡，俗

幾擔路邊擔仔咧烘煙腸、拍珠仔台、賣風吹……。

三窯塗窯起好勢了後，開始燃火，共窯內的火保持予上炎。無偌久，
所有的塗就攏燒甲紅絳絳。繼落去，共拄掘起來的番薯，囡落去塗窯內底，
才用「塗錘」共塗窯損予碎，共番薯炭甲密密密。閣挖邊仔的冷塗炭踎面
頂，予燒氣較袂傷緊散。攏處理好勢了後，逐家就去空地仔耍。過成點鐘，
大人開始攢中晝頓，猶未十二點就食甲半飽。繼落去就是今仔日的好戲—
—食炕好的番薯。

看大人掛手橐仔，咧挖猶閣燒 hut-hut 的塗窯。芳 kòng-kòng 的番薯
味，衝入逐家的鼻空內，予阮看甲喙瀾強欲津落來。袂堪得等到冷，阮就
一人提一條，開始鑑定今仔日的成績，真正芳閣飽。食兩條了後，腹肚嘛
感覺真飽矣。有這擺難忘的經驗，我共阿爸姑情講：「以後逐年上少愛恁規
家伙仔去炕窯一擺。」

¹八卦山(Pat-kuà-suann)

臺中市110年度語文競賽初賽閩南語朗讀國中學生組

編號 4 號

【春天的氣味】 陳素年

若準四季是一條歌，按呢春天就是上優美、上好聽的樂章；若準四季是一幅圖，按呢春天就是上鮮沢、上大範的色水；啊若講四季是一蕊花，我想春天應該就是上嬌的彼一瓣。恬靜的三月天，空氣內底有一款溫柔歡喜的氣味。

一年四季，我上恰意的就是春天。立春若到，伊就像慈祥的母親，輕聲細說來叫醒猶咧陷眠的萬物，伊的溫馴實在誠值得咱呵咾。佇這個浪漫的季節，咱的鼻空鼻會著一陣一陣的清芳；目睷看會著五彩迷人的景緻；耳空聽會著鳥隻活潑的歌聲。春到人間氣象新，佇這款燒烙的氣候，予咱忍袂牢，想欲行向大自然，欣賞尾蝶仔翩翩起舞的姿態，看草埔仔頂的野花、野草綴風咧搖。哇！春天的氣味就是幸福的開始。

種田無定例，全愛配合節氣，春雨是玉皇大帝派來人間的使者。古早人講「未驚蟄，卅九日」，嘛閣講「二月初二霆雷，稻尾較重秤錘」，所以自立春開始，每一個作田人攏會向望佇「驚蟄」這工來霆雷。因為「一滴春水一滴油，一厘春雨一厘金」，春雷若霆，雨水若落，田園就會恢復伊的性命力。澆溼的土地，予農作物發穎，葉仔青翠。一時間，田園就成做

一塊一塊青色的地毯，「雨生百穀」這款迷人的景緻，實在予人歡喜好心情。啊！春天的氣味是快樂的向望。

春回大地百花開，萬紫千紅總是春。春天的花蕊規山坪，這是春天賜予人間的禮物。滿山遍野的櫻花恰杜鵑當燦爛，個佇各山頭展現迷人的風采。逐家相招來賞花，毋管是親情、愛情抑是友情，攏會歡歡喜喜浸佇這個五彩的花海裡。喔！春天的氣味是甜蜜的感受。

春天是一個和諧的世界，伊的氣味是溫柔清芳、多彩多姿。彼微微仔風、霎霎仔雨，燒烙的日頭花，攏會帶予咱全新的希望恰寄託。朋友啊！春天若到，咱就趕緊行向大自然來走揣伊的形影，這款幸福、快樂恰甜蜜的滋味，絕對值得咱留戀。

臺中市110年度語文競賽初賽閩南語朗讀國中學生組

編號 5 號

【菜瓜棚仔】 洪素琴

會記得彼陣阮猶細漢，厝是共人稅的，厝頭前拄好有一塊空地仔，佳哉無鞏紅毛塗，阮才會當佇遐種東種西。

阿爸佇建築工地靠共人搭鷹仔架來趁食，所以搭菜瓜棚對伊來講，會使講就親像桌頂拈柑遐爾簡單。伊的跤手誠扭掠，規堆的竹管和一捆鉛線，干焦看伊無閒半晷爾爾，一个二三十坪的菜瓜棚仔就搭好矣！

阿爸搭棚仔毋但欲予菜瓜旋藤，嘛希望鍛鍊阮的體力。棚仔一下搭好，厝邊頭尾就相招跔上棚仔頂去耍。我臆彼當時阿爸是為著欲證明伊搭棚仔的本等，所以據在阮佇棚仔頂跔踏。阮大力斃、拚勢跔，跔懸跔低，軀過來軀過去。較好膽的，對棚仔頂跳落塗跤，親像現此時的體操選手遐爾奢颺。有的較狡怪的，用跤勾跔棚仔幌來幌去，袂輸猴山仔。規陣囡仔絞做伙，耍甲烏天暗地。逐家身軀袂輸攏鬥電池，按怎耍都耍袂瘡、按怎從都從袂忝！毋管按怎舞，棚仔連毆一下都無，棚仔恰阿爸粗勇的身體全款耐操。

菜瓜咧旋藤有夠緊，等菜瓜藤拋上棚仔頂，棚仔就變做菜瓜的地盤。蜂仔恰蝶仔走相逐，阮囡仔人干焦會當佇棚仔跤躑來躑去，看佗一蕊菜瓜

花開了上大蕊。蝶仔的跤手若傷慢，就會予阮掠著！

一條一條菜瓜囡發出來，一工一工大條，阿媽略略仔相一下，就知影佗一條會當挽落來。若是挽較濟，除了暗頓會加一項菜，猶閣會使分親情朋友。一半條仔菜瓜去予菜瓜葉炭著，袂赴挽，煞傷柯去，姑不而將才留咧做菜瓜蒲。

毋知經過幾年，風吹日曝，棚仔已經袂堪得，有的竹管必開、漚去，敢若老歲仔人，真緊就欲行向人生的尾站。果然佇無佻久了後，阿爸就共棚仔拆掉，提來做柴燃，共遐的有阮的跤跡的竹管摠入去灶空內底。看著灶火愈猛，我的心肝窟仔就愈疼……。

便若看著彼塊空地，頭殼內底攏是菜瓜棚仔的形影，菜瓜穰猶原佇我的記持內底釘根，阮囡仔伴的笑聲佇我的耳仔邊轉楚……。

臺中市110年度語文競賽初賽閩南語朗讀國中學生組

編號 6 號

【過年】 A-lîng

阮兜躡佇較偏僻的庄跤，規个庄頭惹透透，干焦一間簪仔店兼咧賣早頓。這間店仔細間罔細間，逐項都有咧賣。尤其若到過年的時陣，這間簪仔店袂輸是集會所，庄裡的人攞會來遮款年貨。平常時仔恬靜的庄仔頭，隨變甲鬧熱滾滾。

阮過年進前愛先大摒掃，阿母講，掃地掃壁角，洗面洗耳空，叫阮袂使若胡蠅舞屎柢，著愛掃予澈底。阮阿媽會炊一大床的菜頭粿，啊若發粿是阮爸仔咧負責的。今仔炊好的時，我佻阿兄兩個柸鬼因仔會先偷偷仔食幾喙仔。毋是我咧欺雞娃，真正好食甲通人都呵咗。

阿媽佻阿母閣會款一大桌的腥臊拜公媽，祈求祖先保庇阮一家大細平安、順序。啊若阮兜的團圓飯食煞，阮因仔人等欲領紅包，序大人一个一个叫來講好話，向望阮乖巧閣勢讀冊。阮提著紅包喙嘛足甜的，逐項攞嘛無問題。會記得有一冬，我嘛想欲學大人分紅包，我做一個籤袋予逐家抽，內面有的是「十箍」、「二十箍」、嘛有「多謝照顧」，較濟的是「紅包愛加倍」，予人笑我厚面皮，實在足好耍的。阮兜過年的時陣，雖然無咧耍牌仔、拍麻雀，毋過逐家開講、泡茶、講笑談，全款足鬧熱的。

啊若二九暝十一點過，阿姑、阿兄佻我負責拜拜請財神。柑仔食完，柑仔皮愛擲佇每一間房間的壁角。閣來，逐間房間攞愛點一葩細葩電火，講是欲迎接財神入來厝內。厝裡拜完，阮就果子揸咧，做伙去隔壁庄的大廟拜拜。去到遐，廟埕的人已經實捅捅，個攞是咧等開廟門欲搶頭香的。逐擺廟門一下開開，規陣人相挨相暎從入去廟內，手裡的香有的用插的、有的用射的。一下無張持，阿姑的裘仔去予香焯一空，有夠毋甘。彼个場面雖然有淡薄仔恐怖，毋過真正心適閣趣味。

廟裡逐冬攞會發福袋，內面貯一箍、兩箍的銀角仔佻一个號碼。這個號碼愛保存一冬，明年閣來的時，廟裡會公開抽獎，上大獎是一身細身金仔做的媽祖。抽著的人誠福氣，因為伊會帶來好運，保庇你萬事攞如意。

臺中市110年度語文競賽初賽閩南語朗讀國中學生組

編號 7 號

【歇暍日】 蔡瀚儀

歇暍日阿爸定會恁阮四界去迺迺，這擺阮欲去看水筆仔。水筆仔生長佇淡水河的出海口，這是一種真特別的樹仔。阮小弟阿明上歡喜，因為個自然課拄咧教水筆仔的生態，伊足想欲去看到底水筆仔是按怎咧發穎生炭？雖然捌聽人講過，毋過嘛是猶稍無摠頭，不如親身去看較實在。

阮規家坐捷運去到紅樹林站，來參觀生態館的人誠濟。先看水筆仔生態的影片，予逐家對水筆仔有基本的認捌，導覽才閣恁阮去生態保護園區參觀。哇！看過去規片攏是水筆仔，有一條柴枋釘的步道，彎彎幹幹順河邊行過去，沿路雙列的水筆仔發甲誠茂。樹仔頂一枝一枝親像毛筆的水筆仔囝生誠濟，有的落落來拄好插咧爛塗裡，就生根發葉佇遐大穰，若落佇水面的就綴流水流出去。

流水逐工會來來去去，佇水面的水筆仔囝就會綴個四界去，惹去河岸邊，惹到溪仔墘。佇遐咧歇暍的時，毛蟹看著講：「蹠咧啦！遮有誠濟朋友佢你做伴，你才袂孤單。」水筆仔囝誠歡喜就佇遐蹠，就按呢一代一代生炭落去，無佞久就成做一片紅樹林。洩流的時，大管仙、海和尚、海蛇蜚攏出來賴賴趨。兩尾花鮠咧相偃，共尻脊駢的旗仔褌甲若親像船帆，樹

林跤鬧熱滾滾。上趣味的就是兩隻擲白扇仔咧相戰，共大管跤擲懸懸咧相嚇驚，有夠風神。導覽講，拍輸的有時陣會共大管跤擲咧做伊旋。伊閣問講：「減一肢管無武器，後擺欲按怎佢人相戰？」小弟隨擲手應講：「伊會閣發一肢全款的大管跤。」導覽賞伊一張擲白扇仔的貼紙，逐家閣共拍嘆仔呵咾。

白翎鷺佢海鳥佇海埔仔咧討食；毛蟹佇塗空漬出漬入真無閒，跤手真猛掠。阿爸講：「跤手若慢鈍連鞭就予海鳥捅去！」

阿母講：「歇暍日來紅樹林看毛蟹挖塗空、看花鮠佢石貼仔有啥無全款？加捌一寡常識才袂讀死冊。」欲暗仔海邊全紅霞，一陣一陣的海風吹來，有一種魚仔的臭臊味。阮坐佇捷運頂懸，窗仔外的水筆仔咧共阮攞手，若咧叫阮有閒才閣來迺迺。

臺中市110年度語文競賽初賽閩南語朗讀國中學生組

編號 8 號

【牆圍內的囡仔】 艾茵

看別人寫個成長的過程，攞予人呵咗甲會觸舌，毋是足乖，真勢讀冊，考試攞考頭名、做班長，若無，就是齣頭真濟，誠勢創治人，予老師頭殼摺咧燒。啊若我就無全矣，我是一个無味無素的普通囡仔，佇一陣生份人內底，別人袂去注意著我。讀冊的時，我毋捌做過班長，毋捌考過第一名，嘛袂予老師點油做記號。想欲寫我細漢的代誌，煞毋知欲寫啥。

做囡仔的時，阮阿爸和阿母佇市仔做生理，阿姊攞咧讀冊，無閒通顧我，就放牛食草，規工出在我去外口賴賴趁，四界 lōng-liú-lian。人講：「躉雞毋躉鴨孫，躉外媽疼外孫。」外媽就叫我去個遐，較袂規工佇外口拋拋走，就按呢我攞會去遐守規工。

外公個兜是大家口仔，我有六个阿舅、阿姪，一个阿姨，攞躉做伙，算算咧有五、六十人。佻我頂下歲的表的，就有十外个，阮攞做伙寫宿題、扮公伙仔、迤迤。彼當時，真時行損野球，下晡時仔，宿題寫煞，若講欲拍野球，走出來大埕欲耍的就有夠兩隊矣。跤手慢鈍的，愛抽鬮仔做候補，所以阮攞毋捌出去外口和厝邊的囡仔耍。外公共孫顧足牢，一時仔無看著人，外公就會隨去揣人。若予伊揣無，閣講袂出啥物理路出來，皮就愛繃

較經咧。逐家攞毋敢出去傷久，欲出去嘛會交代清楚。

讀大學，歇熱的時，同學攞咧做散工，我嘛綴人去做，佇附近的藥廠允一个包裝的缺。仝批的學生仔有六、七个，做陣開講的時陣，有一个躉佇外公個兜對面的少年家仔，開喙就講：「我捌你，你是牆圍仔內的囡仔。」「牆圍仔內的囡仔」，我頭一擺聽著這個講法，毋知影外口的人是按呢咧看阮。伊講個攞真想欲佻阮做伙迤迤，特別是拍野球，定定攞無夠人。反顛倒阮是逐工耍甲閣有人愛做候補，做候補的人嘛袂當走出去耍，嘛無機會通熟似外口遮的人。就按呢個攞目調金金倚佇牆圍外看阮咧拍野球。這是一種真無全款的感覺，原來阮嘛是別人欣羨的。